

尺牘

大

全

綠



偶向東籬折一枝胆瓶新水不開時



尺



尺牘大全七卷

國朝

王廷相與楊舉人

王廷相與吳太府

張寧與牛都閫

潘磁與錢子輿

王廷對與張次峯

胡侍答屠太史

胡侍與汪南明

胡侍答劉致卿

陳純與林震西

王士性與翁見齋

王士性與范天然

王士性與孫正峯



陳筌與程伯子

陳筌與張在川會川

陳筌與友人

客東園宅寄地海

幸未報知己

與詹中岳

與黃二懷

與何白岳

與唐一菴吳維

王叔度與陸無漫

薛甲與凌稚德

江以達與栗推府

江以達與霍渭溪

江以達與定夫

沈謚答王在菴年丈

范欽與王百穀

與王鑑川司馬董

董份答王鳳洲

董份答皇甫百泉

董份與林對川

董份答蔣雲龍

與凌繹泉

答皇甫百泉

與茅鹿門

又與茅鹿門

答汪南溟

王維楨與郭龍潭

王維楨與張東谷

王維楨答薛方山

王維楨謝介溪

王維楨答王季山

王維楨答薛方山

王維楨與薛方

又與薛方山

謝爨介溪

與高石山

與王樗菴

與東谷

與陳松溪

與萬兩溪

與孫季泉

答許少華

又答許少華

又答許少華

答東岡

由汝成答陳約之

程東溟與介夫

萬恭東馮汝言

陸樹聲與屠長鄉

沈煥與李首山

沈煥與廖明河

曾省吾與徐君使

曾省吾與張少參

蔡汝楠與凌藻泉

蔡汝楠答阮提學

蔡汝楠奉李克齋

蔡汝楠與張維守

沈愷與怀忱二弟

辭郡縣催仕

啟少卿王鶴泉

與呂中南沈嘉則長公子平叔

沈愷與張東沙

沈愷答羅念菴

與西悅上人

與潘十泉

馮恩謝月空禪師

凌約言

簡門生

報渠翁

東宋石樓

與蒙山陳節推

與九山高北部

東吳竺原

簡陳雲窩

東李斗南

示長男迪知

簡璉州施青州

簡筠谿沈別駕

簡崔支川論養生

東汪瑤川

簡趙太僕

答楊安吾

簡紀明齋

與張石星

與秦文橋

與崔篁洲

簡南丘

與魯奇峯

與孫鳳岡

與蔡司空

與閔石林

與崔丈

示兒稚隆

又示兒稚隆

又示兒稚隆

簡陸北川

示男稚隆

簡高一泉

與兒迪知

與張仲子

范雁 期

與朱太守

海瑞

與呂豫所

海瑞

李維楨與何心泉

顧憲成與王元楨

徐獻忠與馮南江

徐獻忠與朱仁

徐獻忠與吳之仲

徐獻忠與包元達

王世貞與李于麟

王世貞與徐子與

王世貞答汪伯玉

王世貞與王明輔

王世貞與張助甫

王世貞與馬孟河

王世貞與馮開之

與黃淳甫

與吳峻伯

與凌稚哲

王世貞與方生

與李于鱗

與宗子相

與楊祀部

楊慎與李中麓

徐中行與王敬美

徐中行與李憲部

徐中行與之仲

田一成答張肖甫

于慎行與凌稚哲

沈啟原與吳青蓮

沈啟原又與吳青蓮

再與吳青蓮

黃西與胡劍西

黃甲寄長生兒

黃甲與楊魏村

黃甲與鳳墩

黃甲與董廷尉

黃甲示三子

王世懋渡王沂陽

王世懋又與王沂陽

王世懋渡王崑崙

王世懋與胡侍御

王世懋與王貢

王世懋渡汪中丞

王世懋荐黃玄

王世懋與凌哲稚

與張周田

又與張周田

與魏生

又與魏生

與徐子與

應麟與李惟寅

胡應麟與李惟寅

余寅與張東沙

屠隆與李之文

屠隆報楊伯翼

屠隆又與楊伯翼

屠隆與余君房

屠隆又與余君房

與馮開之

又與馮開之

與沈君典

二與沈君典

三與沈君典

四與沈君典

五與沈君典

又與沈君典

與唐惟寅

又與唐惟寅

與王少宗伯

與丁右武

與周元孚

又與周元孚

與瞿濬夫

與楊公亮

與李臨淮

與馮開之

與董陽明

與王百谷

與馮開之

與沈箕仲

與凌稚哲

與王百谷

沈明臣又與王百谷

王叔承與范大理

王叔元日醉起答客

葉世治與沈君章

葉世治與張春塘

陸允中答惠詩扇

范涑與詹中岳

范涑與詹中岳

又與詹中岳

與張少虛

毛文煥與王百谷

毛文煥又與王百谷

又與王百谷

張肇與同年

張肇與王同年

孫繼臯答陳開府

莫雲卿與王元禎

莫雲卿與王百谷

劉一桂與許君信

劉一桂與許君信

劉一桂與李坤陽

趙世顯與孫思泉

林鳴盛與劉仰溪

林鳴盛途次借服

沈麟士答長永叔



歷朝尺牘大全卷之七

太倉 錫爵選錄

豫齊李國憲序次

金陵周近泉刊行

國朝



與楊舉人

王廷相

大抵吾人此身之外皆是長物古達觀之士不治生

不華身不勞已以奉妻子故一飲食衣服之餘視之若浮煙耳然非達窮通齊死生而為一途者決不能此

與吳太府

王廷相

往年兄曾講黃白之術僕曰寡慾冥心以順壽筭此自實理煉鉛養砂以變金石道殊不然當時兄意以僕未達今日所造果誠何如儻鼎中有靈當為兄輸此一籌

與牛都閩

張寧

此後湖山風月當盡入首 姐閣下遂為東南一偉人矣少間當操豚蹄壺酒為歲寒軒賀其始有主人也

與錢子輿

潘磁

僕聞交貴神交知在心知良朋且有對面而疑奚啻千里僕退伏林壑十有六年平時海內之交雅稱道義者往往隻字不加輕擲獨於門下介紹未通非有杯酒之歡岐路之觀也吳楚各天非有比鄰之接親知之暱也柄擯殊途非有班聯之綴朝省之素也四十無聞文采沉滯非有虞卿之著潛夫之譔也夫境

八  
隔迹睽睽平生之雅履卑處下之驚世之譽不知執  
事奚所見聞違群嘉尚先之以華牘申之以腆儀而  
傾蓋為歡也幸切幸切嗟乎新知易樂末契難全河  
源之槎遄征在眼延平之劍復合何時江路阻修雲  
翻莫假天風良便惠我德音

與張次峰

王廷對

瑶草滿山白雲滿袖僕將放脚衡嶽巔頭與朱張輩  
共煉刀圭矣朝家事公好為之

答屠太史

胡侍

吾子責僕以文業自見敢不勉力竊惟聲名挫辱空  
文何施譬之齊統蜀錦一遭垢膩雖復剪飾華采徒  
資喘息而已

與汪南明

胡侍

先生高卧天都塵視九垓軒轅不得臣浮容不得友  
只恐 聖明側席練江又不得垂綸矣

答劉致卿

胡侍

僕褫紱歲久分同死灰新貴之人多非舊識遽條戚  
施之態心復惡之是以一值未同輒意緒落落不能

巧發寒溫語直拙之性卒難移奪故能閉戶忍貧甚  
詣炎路間有汪訪亦不逢迎匪敢自詭高句以附掃  
軌鑿坏之賢直不受俗眼相白耳

與林震西

陳純

昨讀足下寄明卿書悉匡廬之勝令人勃勃欲生羽  
翰且得一慰仰止千里片帆當不讓山陰之興也足  
下以為然與

與翁見齋

王士性

朗陵俗吏五載悠悠回首故交日惟履絕每每桑梓

人來欲寄北鴻之便而米鹽雜沓臨發或忘之足下  
最稱曠達諒不以為訝僕無似然頗意一行不能俛  
首隨人乃茲積過益深未審海內兄弟清議孰為左  
右袒足下居大道多接名流有聞當教我乎

與范天然

王士性

性作令多瘵曠矣乃復冒言官跛鼈之足責以千里  
未有不仆老師九萬扶搖下視世界蠅聲直作一大  
噓耳

與孫正峰

王士性

尺牘大全 國朝卷七  
夫為文不則古者猶之御者不範馳驅則獲禽雖多  
君子所鄙不法古也然而游言多和法言寡和雖王  
良善御不能不改節于賤工信而好古是為難耳所  
碩者惟執轡康衢鳶和中度使王李諸君子夾轂而  
趨此公今日事也

與程伯子

陳 荃

楚使未行辰文當奏之掌史者僕以公高雅必天孫  
雲卿方能當一眄迺為吳姬三日淹也詎知僕携嬋  
娟遲公于廣寒宮不在竹林間哉何當青鳥下山城

予日望之

與張在川會川

陳 荃

僕知浙東有三鳳久矣乃於蘭若一接德輝既奪蒿  
目復覩鴻製蓋苞文絢綵之章也佇見翩翩九霄與  
二難交翮而上俾海宇得瞻儀羽矣今雖暫棲枋榆  
然所謂士戢翼三年飛必冲天者非耶

與友人

陳 荃

兩載未獲握手蛩然来自山溪浣慰何既且一葦新  
沆得孫登鳳調吳趨雲响俾狂生擊節中流一味一

尺牘大全 卷七  
遊皆荷大雅

客東菑宅寄地海

陳筌

初筮清晨過訪詹何夜來緣其一言為餌神魚即漏  
跳梁天漢之上亦特事之可抵掌者狂歌劇呼山靈  
震響羽觴流飲而醞醑莫繼因知江滸不能當一吸  
矣惜少足下橫槊賦詩令吾人有河梁之思耳明日  
三兄弟聚首桃源當罰足下以金谷酒數

辛未報知己

陳筌

山館中得聞春館消息未嘗不嘆吾邑人文之盛隆

隆起也未嘗不嘆吾邑之盛于吾身親見之也又未  
嘗不嘆吾邑之盛當吾之身而不遇于吾之身也每  
一念至此輒為拊髀折腕長太息既而悔之曰噫亦  
過矣今之致身青雲者非向之所與居處游燕者哉  
令之奮翼交翮者非向之所與嗟嘆窮愁者哉當彼  
嗟嘆窮愁之時寧知今日則異時奮翼交翮翱翔九  
牧者又安知非今之拊髀太息人哉故欣然與二三  
子發一長嘯為之狂醉囁諛者數日諸君菑南之志  
當不後于鄙人而肩鉅之才又過鄙人遠甚則聞報

之日當必有喟焉憤焉而不能自己者但室邇人遐  
不得抵掌一盡故因風便敢私布之俟他日連袂而  
登雲臺之上持此以為左券云

與詹中岳

陳全

足下與春宇二兄俱慕養故病痢與俱若鄙人日受  
糟李清况今雖欲中分之其如無恙何且秋風蓬然  
天朗氣清鄙人登咲高岡鳶鳳之音徹于八埏愉愉  
獨得伏念二兄呻吟伏枕兀兀據几間也

又

陳奎

諸松亭亭變幻作態且得足下為大夫主人無論鄧  
林材矣仲子至時仍令化蛟龍千青霄而上當不減  
兩色蒼翠

與黃二懷

陳奎

別來賓朋四至日逐逐折腰作迎送狀殊覺應接成  
疾而故人知交猶以踈節獲咎人人解頤日誠不足  
未皇謂何今將灼艾閑閑攝精怡神不識嵇公何以  
著論教我養生也

與何白岳

陳奎

聞公翺翔軒轅之都白雪千秋紅塵九垓第恐  
聖明側席公論復明不得停驂黃白間矣

與唐一菴

吳維徹

解任歸來形神初定勞倦未展且樊籠之翼乍返林  
臯望城郭烟火亦徒避不敢近故此心一日三到門  
下而竟未能跨馬出梅溪徒耿耿耳頤辱使闕下逮  
惠以縑篋裼襲披揚之間殊非世上炎涼所得侵也  
敬謝

與陸無從

王叔度

足下偉人快士乃不嗜飲酒時時苦吟喪性脫一日  
不可諱真是浪過一生即入高士傳有何顏色哉夫  
由一杯抵百瓢亦男兒可勉事也願足下努力自愛

與凌稚德

薛甲

辱惠尊府琳琅佳集得聆鳳笙于鈞天調中如遊月  
宮精爽飛越非烟火食人所能堪也且世德作求衣  
鉢之傳不踰閩閩眉山之蘇當遜美矣飽德飽德

與栗推府

江以達

敬郡彈丸地耳天不棄赤子以翁法星照臨之聳聳訟



之風自此以洗幸之幸者也不肖有事疆場日在牛  
馬走中間訊起居一切廢格屬疆事始寧敬戒堅子  
私布下情

與霍渭溪

江以達

達聞之瞽者無以與乎文章之觀瞽者無以與乎鐘  
鼓之聲公不以達為瞽瞽而施之黼黻納之東序始  
則俵俵然僂僂然既則傾以徹昭昭然若蒙以發也  
竊嘗觀及今世之士操筆伸紙動稱古人而其增華  
漱潤綴英剪綵競奇獵富搜冥挾寂緩調急節靈蛇

之珠荆山之玉固人握而家抱也然模形者神遺辭  
句者氣索景會者意脫蓋繁者萎衰譬諸畫地為餅  
以饑則難刻木為人束之衣冠非不肖然似然與之  
酬色笑而施揖讓則不可也近究明作邈焉希觀蓄  
厚者決沛持滿者發疾出之無心而成之有象達性  
命之源究理亂之故盡得失之變縱橫上下恍惚變  
幻不遷而遷不左而左不訓誥而訓誥秦視之秦漢  
視之漢即之甚似而索之無迹寔無倚著而動契先  
法譬之玄造播物色相種種至于雄章大什靡不合

轍雖擊壤之歌有應風雅噫嘻白雪一揚是何巴曲  
之彌寡也稷下之談一朝而服千人魯連一說使終  
身杜口吾見和公者寡而自茲杜口于稷下也詩曰  
維其有之是以似之似出于有不似似也無有求似  
似不似也以有求似公則得之達才同季緒識殊子  
建而好詆訶文章摘撫利病是猶無龍泉而議斷割  
也然蘭茝蕙蒸自夫逐臭之夫則誰不知好尚之不  
然何墨翟過朝歌而迴車也

與陰定天

江以達

弟本頑鈍無笑叨忝非分嗣兄董教關西豈不愧哉  
譬之鼓刀之夫驟登俎豆刻畫無益以致西子一笑  
答王在菴年丈

沈謐

近來卧病飛霞頗得閑靜覺得種種作用未免塵埃  
查滓帶烟火氣味纖毫埋障自察自知開口告人亦  
難而人亦未必信也想吾兄行到功深隨機應變真  
如浮雲之過太虛飄忽幻態付之無心耳何時再聚  
復觀有道氣象大開懷抱各吐心機乎

與王百穀

范欽

公建幟藝林戶屢時無停賣文之錢計埒退之何言  
貧次骨也直令孫失抱造物戲人將柰何生老態日  
進交知落落不覺沉冥蠹簡中間償舊逋汗簌簌橫  
注青山白雲寧得與故人一把翫耶

與王鑑川司馬

董份

份與公往來頗久其契誼相期意氣相洽怡如也今  
份沉淪若此而公功名如彼譬之鸛鶴與鳥亦嘗同  
林神蛟與魚亦嘗並沫及其翱翔雲霄吞吐霧雨其  
光景不可挹而變化不可知矣

答王鳳洲中丞

董份

昨覽名園奪天工極人巧如奕秋布子歷歷妙趣所  
最難者從城郭中得大地足以施開鑿展陵架列峰  
迥峙迥溪分流真若移二華于人間引九曲于席下  
也而幸昇籃輿追飛蓋笙吹前導伶伎後隨出入洞  
天宛轉丘壑亦何異泛沔水之源迷天台之路恍然  
樂也已而發長嘯于林表聆玄言于亭中目眇藏經  
心遊竺國青牛將度白馬欲鳴臨發躊躇又爽然失  
矣僕雖衰儻未即蒙霧露亦何能辭登高之作虛授

簡之命病有間當謹如教附上也

答皇甫百泉司勳

董份

份質本薄弱病復侵尋賦非長卿而素多渴疾才非公幹而數苦沉痾加之阮籍多踈稽康積癩昧無言不酬之義懷有德未報之忱時一思之既復抱悵今惟有感刻之甚而增媿赧之深耳

與林對山宗伯

董份

夫陽春一至苑李方華豔冶滿天人不知有松栢也及歲寒既臻而松栢者凌霜雪出雲霄為世人之傑

觀棟梁之巨質故曰物有孤生士有特立孤生者不競美于衆特立者不受變于時此之謂耳公曩在秘館雖長文字之學而尤博經濟之書凡古詰之遠猷當代之鉅典既皆得其肯綮極其指歸一旦中朝宣黃麻拜上相固出之有緒而施之裕如矣敬服

答蔣雲龍藩伯

董份

份老矣蒲柳之質本自易零樗櫟之材兼之以朽蓋清時之禮數既絕而空谷之履聲亦稀惟自治藥囊日就枕席暇則鑿池植樹抱甕灌花誦湘鶴之遺經

理種魚之舊業緩帶自適擊壤而遊時或暫怡聲歌  
間作當其既倦夢寐頽然聊以自娛何足為智者道  
也而公乃望以秉樞屬之曳履譬之鮒方涸轍而欲  
濡以海波鳥既墜弦而復期以霄漢匪徒踰望祇自  
不侔耳

與凌繹泉

董份

頃得覩公所構別墅卜築有法位置復佳從市塵中  
忽生洞壑令人俯仰之間有箕穎意且日從宴喜夜  
則假息遂使泉聲入戶山光滿榻使得延攬又復卧

游主人之趣固深而病夫興亦不減方當為孫阮之  
長嘯效班尹之清談而公同氣之戚慘然至矣乃知  
會逢有適樂事不常轉瞬未幾懽情遂阻人生開口  
一笑把手一言亦自非偶也高懷未畢逸意難羈他  
日更當乘雪泛舟復期見戴造竹對酒聊以擬王而  
不知其公許我否也

答皇甫百泉

董份

昨周始甲巳枉瑤章頃及稀年更填綺調何公之善  
言必再而厚誼無窮也古有一字喻于千金片言等

于華衮者而况我公采百家之英粹為一代之宗工  
稷下談天而諸生皆退郢中歌雪而千人益稀此其  
遇之不常得之當重明矣份固當百拜以謝釋襲而  
藏不忘也

與茅鹿門

董份

偶得雄篇誦之如珠玉在側炯炯照人金石擲地琅  
琅餘響不覺起而諷詠至為躍然迺知曹公讀陳琳  
之文能已頭痛不虛也

又

董份

份也形如槁木志若死灰而翁文乃有千里老驥之  
思鷹揚一時之意何人之精力度越不同如此也至  
于雪華之章以份視之如夢中景隔世事矣夫跛牂  
不越咫尺而天馬歷塊過都鸞鳩不離榆枋而大鵬  
負風超漢物固有然者至于人有不勝杯勺而于公  
食酒石余人有不舉匕箸而廉頗飯斗米肉十斤其  
不同固若是也夫過屠門而大嚼雖不得味亦聊足  
自怡矣然竊有過計惟恐于廷尉之不能解醒而廉  
將軍之過飽也彼欲學將軍廷尉者有不爛腸而潰

腹者乎公其知之否也

答汪南溟

董份

堪輿晏生持素書來自天上如明珠墮于人間藏之懷中光不可滅求以為珍願份衰年兼苦宿疾投之瓊瑤報以木桃祗增慙也

與郭龍潭

王維楨

功名謂之會會者襲也謂聚必有散譬諸賓宴有飲三爵即去者有留連終夜斗落參橫而猶尚未歸者若此者視主人意耳主人意非留連客三爵去矣仕

宦行藏大槩類此

與張東谷

王維楨

近世撰述塞宇宙然多是非任情褒抑溢有國家采風之官不立聽覩既狹則譜牒安托于是懷私忿世之倫藉是獲售而洩不平之抱至有隻詞相濺千古蒙垢者矣今蒙所著殊不蹈此一人一事咸當實不華影常依貌響必隨聲異日開局紀事楨即操是往矣

答薛方山

王維楨

少選之頃僕欲請告去不能與君圖一面之晤矣僕  
有刺心之痛茹蘖之苦故乃割情声利之塗耳若公  
則不宜輒有也造物以小兒玩人世亦以小兒  
玩造物可也所惠策問及教浙條約皆斤斤當實不  
華要之在變靡俗敦實學不辜任使而已然此越人  
高者亦能言之不掩其光獨么麼之子不理耳傳口  
禮義不愆遑恤人之言願公信之

謝嚴介溪

王維楨

仕宦榮辱閑諸忠枉臧否耳若浮沉騰抑則數奇偶

鄙夫介中有道者勿論也稽諸在昔若湘潭大夫長  
沙師傅潮陽刺史夜郎摘仙其時嚴譴遠投一身萬  
里可不謂甚痛哉然四賢不悔也故身在泥塗而名  
格霄漢跡困燕雀而道抗鴛鴻也自今觀之公雖鍛  
羽卑飛業脫繒緞未可悔哉

答王季山

王維楨

今者僕守盟不固又復抗顏于青雲之上夫人情不  
割升斗必就繩鎖此亦大都然矣願念黃鵠高舉不  
喙階下之食籠中鸚鵡覩其橫絕繫而不得去乃知



羽毛為累多智非福也以君侯知己特為論之云尔

典薛方山

王維楨

自僕交游東吳之士不可勝記獨以公為難能謂其  
直露本真無假緣飾吳中未見兩也夫玉無完粹帛  
無完采故瑕不毀玉之名類不減帛之直士而務曲  
勝負完節者恒必敗有偽飾也若公所持令積而至  
百年又何敗乎至若郡君稱公獎于我者率非吾所  
有也負愧

復薛方山

王維楨

有人于此允世俗之好靡一弗重乃復匿端竄迹示  
若無有詎知前有碩者背有指者旁有議者四面受  
攻百藏畢見此僕所為抵掌而笑頓足而恨者也取  
以校公何啻人鬼之別虎鼠之不同哉

又

王維楨

邊隅用兵自惟愚孱不能進而統偏師之任動一割  
之用至語本業則守在詞曹大之不能論當世之故  
次之不能成一家之言謝濫竿之訛誠若昔人所謂  
仰慚玄冕俯愧朱紱者矣

謝嚴介溪

王維楨

在昔豪傑之興以備論辯則坐出上計令疑者立斷  
止者立往以充任使則揚威萬里之外書勲竹帛之  
間以嬰患難則不愛軀以負義不二志以敗名以任  
托寄則中山之孤不亡委裘之主竟聖斯四者國士  
所由稱也楨度即努力至死不能為功卒之必缺所  
望誠懼而思迓非謾語也

與高石山

王維楨

貴州僻在一隅彼

貴州僻在一隅彼

貴州僻在一隅彼

不生才坐生其地者拘與陋格于習不觀所謂文者  
云何其焉用文于是乃自夷而世遂夷之矣迨今明  
興而茲方之文始漸以著夫苟鼓之未有弗舞者也

與王樗菴

王維楨

恭聞深卧岩扉人事都絕此昔人鑿坏之意非所通  
于世俗之情也自孔子不可與鳥獸同群而三閭寓  
言猶忌獨醒夫既去國為山澤逸人矣併其與山澤  
逸人絕則毋乃甚隘乎大江以南率高此節士有敝  
車羸馬毀冠穿履者鄉里以為難能何者土富俗靡  
尺牘大全

萬人流之一人持之斯一人勝萬人也大都尺寸之士度無他立抑情堅忍欲以釣竒自通方大士觀之則眇小甚矣公在江南稱正士才卿即今搨翅林坳天風與便更當冲舉既不逐流幸勿矯亢太過與兢兢尺寸伍也

與東谷

王維楨

夏仲辱扇惠適得祛暑讀書坐立觀之不知其夏日之未與炎歊之侵也

與陳松溪

王維楨

今世學士崇華亡實往往為治道累高者又飾侘佹玄一物不究托號于內修自掩孤陋又害道之甚者太學天下之賢士咸集焉人挾一技名一長犁然不齊于世各得以效其用至其抑揚割正咸就實才不蕩不偷以裨治助化于門下有厚望焉

與萬兩溪

王維楨

今僕又驅車出谷與青雲之士相翱翔矣檄書相督守盟弗固其視鑿垣之子何異

與孫季泉

王維楨

頃歲以來公所與楨談對觀磨者皆由衷至情傾腸  
瀝膽言無曲理物無隱情至曉曉也賴公炤察不罪  
狂迂願加賞音此交情與古人相比論矣

答許少華

王維楨

惟公壯歲標植皜然不污慎修不爽當是時自謂曾  
參不殺慈母相信蕭曹丙魏之業行可力致此其志  
豈不貞固哉旋乃蒼蠅肆點黃金遶錄遂令韓非孤  
憤殷浩書空棲李廣于南山竄楚平于澤畔百懿不  
錄一青被放斯足悲矣

又

王維楨

今謀人國者不務亮志憐才濟時紓患專乃索細癥  
摘寸朽遂使全璧受疑合抱見斥公由是不獲舊矣  
楨為之太息者此也

又

強胡數為邊害執事講武遴才至懇也然今日用一  
人焉不能輒去之明日又用一人焉又不能又輒去  
之官頻易而績日隳患漸深而莫之採藥何者用者  
非才才者未用用者飾名用之者信耳也

答東岡

王維楨

士人平居誓志期自表見不宜俛首人後比一跌折  
足壯圖畫灰何者知所願之難伸也近世若此者往  
徃而有楨睹之惋且嘆焉彼山林幽寂蟬脫塵埜之  
士既不足從而驅馳世路環轉指隨又喪所本性功  
名之際可不謂難哉是言本為東岡而設懼人以為  
我為托寓也

答陳約之

田汝成

古今才人垂聲琬琰者類有天助不可強也譬之沙

丘之驥若耶之姬妾之形不別于驪黃態不離于粉  
黛耳聞者且以為麟角鳳味絕世奇珍安知皂櫛無  
滅沒之乘而茅茨絕窈窕之恣乎幸而當其時則足  
以華上宮而充內廐不幸而風塵奄忽亦且駢歎段  
而伉儷糜爾語曰無為名謀視運否休無與利角視  
命厚薄此二言者僕已驗之審矣不識陳君以為何  
如也更惟怡神怡寞以迎太和禁絕吾伊以葆真烝  
涉岐黃之寶訣躡佺期之高蹤上貽慈母之歡心下  
慰細君之結念不亦美乎

與介夫

程東溟

足下隱湖上諸大夫不可友也碩獨折節交陶徵君  
權徵君于于然語大夫曰吾不意湖陽菰蘆中乃亦  
有孫生知我耶鄙人日從大夫遊坐對南山輒念徵  
君佳興足下何不携之來使鄙人得成三益哉

開徑以瑛

東馮汝言

萬恭

恭江右鄙人也生髮未燥覩翁校士西江盡得之牝  
牡之外伯樂以神相馬東翁以神得士即今為天  
子使少効駑駘非四十年前天廐中所秣耶金陵奉

侍則翁又識恭于羣槽以為他日可登峻坂負鹽車  
此數十年者雖屢試屢蹶然亦汗首仰抃報伯樂矣

與屠長卿

陸樹聲

疇昔之夕知仙舟泛長水憇塔院偕一二客邀明月  
以舉觴竟長波而鼓柁擬量人境當不啻蘇長公赤  
壁之泛矣第僕方懶卧一室無由得共清綠賡扣舷  
之響然癯殘骨相受人描寫者為山僧挂壁之具辱  
借清盼已與公相見于声色之外矣呵呵

與李首山

沈爚

僕自弱冠遨遊兩都北出齊魯南循吳越把臂論交  
亦有臭味未有如兄委懷傾蓋投分班荆最重價于  
璠璵締新盟于金石居有談討之樂行有讌餞之懽  
恒恐耀靈俄景鵲鳩先鳴致此聚難常耳

與廖明河

沈 燾

遠惟執事散帙典墳延眺麗苑結芳心于媚子擁華  
櫛于嬋媛嬌嬈桃李葉々花々巫峽雨雲朝々暮々  
固已情暢于睢洲日成于鴉化者也僕在水一方共  
月千里海棠夢曉迷蝴蝶于甲帳烟月樓空怨杜宇

予丁香式瞻蝮螫之朝猶懸牛女之夕興言及此中  
心愴切而壯風良便聊抒悃々之衷用寫嚶々之耳

與徐君使

曾省吾

憶昔為郎時斧斤參離刀鋸憑陵遊睇成螻舉足觸  
穢而僕也抑志降心勉為奔走徒以先帝神聖能使  
醜類奪氣細物銷魂效赤心之涓埃節蒼生之膏血  
每一把臂斗呼狂心稍洩僕誠不肖稟天地之靈負  
剛大之氣比之馘繒屠狗之徒自致功名者豈少讓  
哉而碩掘泥揚波浮沉于土木瓦礫之間者誠自恃

其能不污有以表見于當世也

與張少參

曾省吾

足下垂雲之翼戢影長林躡風之駿蚤逸外廐古之至人懷環琦之行脫肝膽捐耳目浮游無方之外而不以軒冕淄其身者彼固有所樂之也

簡凌藻泉

蔡汝楠

春日得會試錄名氏吾湖數頗多然獨闕公僕惻然疑世嘗有魁梧掘儻之士終其身不及遇于有司者以其才高而尺度未合也若吾藻泉其魁梧掘儻之

氣固蘄然不可印首而馳而其所自覆于尺度者則工矣有司數失焉豈獨公之不幸哉僕竊謂有司之不幸于公均也

荅阮提學

蔡汝楠

味劣無似誤辱心期文經武緯之暇而有意于雁蕩桐江蘇堤禹穴之間誦書灑澗迥脫道筌排沆注海之襟駕月鞭霆之思可于言外得之何幸

奉李克齋中丞

蔡汝楠

過維揚謁轅門領至教于尊俎間詰朝款我營中觀



所築營壘舍次豈但世稱將材公之胸懷真可長淮  
而杯滄海者材能云乎哉

與張維守

蔡汝楠

昨蕭寺晤言塵襟頓爽亦是浮生之一適也承佳作  
妙不可言可謂探龍得其珠矣羨服

與懷忱二弟

沈愷

余不自涯酷愛山泉常攀窮岩棲古寺托形崇阜息  
影長林每見人談四明天台之勝輒津津喜恨不獨  
往乃今剖竹明州分符千里若天假之緣也自入越

以來果見積山萬疊出奇獻異參差代雄表裏紫霄  
信美且奇豈不欲駕葉舟鳴榔上下少假一日之遊  
哉第境緣人勝樂隨意適一行作吏豈復賞心佳境  
滿前徒增悲惻是以過錢塘而嘆息陟吳嶺以唏噓  
悽日清風之嶺傷心越望之臺哭武穆乎西湖吊坡  
翁于堤上朝步蘭亭更懷羲獻暮探禹窟尤憶子長  
此數子皆以高才名世窮愁抑鬱用匪其時吊古懷  
人耿耿不寐西上桐江則又嚴陵之所釣遊也名山  
奇水天下獨絕弭楫臺下夕景凄惻又聞孤猿寒嘯

離雁遠吟樵蘇一嘆舟子再泣余益愴然悲矣然斯亦觸景之興懷終非予心之所懼也但以此邦之民難以托根投人夜光鮮不按劍欲強自表見恐方鑿圓柄鉏鋸難從跋前疐後差池不狎自非樂天知命誰能不憤悒者哉是以馮子彈鋏而行歌莊周臨流而浩嘆平子自賦其無成賈生亦悲其不偶古今人畧同其槩矣

辭郡縣催仕

沈愷

古之求退者不謀諸妻子不告諸朋友非其重于身

謀而勇于自決也要之知是寡悔負乘招尤其見亦不可以盡非矣若以干進反退求通故隱而藉此以獵取聲華則是托迹終南指為捷徑移文北山若為假途其不貽羞岩谷姍笑當世者有幾愷固非其人也

啓少卿王鶴泉

沈愷

南臺山水信佳麗又得高人吏隱其中咳唾嘻咲俱成珠璣愷每遇佳勝輒爾興發安得扁舟飛渡公側一聞韶濩之音不使人笑沈郎徒株守無成也

又與呂山人中甫沈山人嘉則長公子平叔

愷返耕溪上十有五年矣五柳在門木石為伍不知  
天地上下不啻千里故人一旦遠來握手玄悟倍深  
恒誼竊惟樓中聯榻花下停卮橫笛紫霄則猿鶴夢  
驚聽泉白石則辟蘿烟裊每興至更撒網舉魚飛觴  
弄月才情駿發逸思時抽不獨因時摸景而傲睨大  
化徃徃斟酌古今籠絡庶品甚則詞鎔王孟采割高  
岑句工字鍊使人茫然心折曾未幾時四壁琳琅不  
覺天籟滿空而白雪盈囊矣此人生之極歡而吾與  
二三子共之樂亦何極嗟乎幽思方殷離歌頓作一

夜渡吳江便隔天涯余獨何心能不悲乎嗣後屋梁  
落月鴻雁秋高羽翼差池能無嗣音此情當與江流  
比深矣

與張東沙

沈愷

君子立名在窮宇宙垂不朽世多鑽妍競刺博朱紫  
以侈顯榮非不隆々赫也然或不能振藻清時流采  
千祀一旦繁華衰歇等之飄風落葉修聚倏散何可  
勝數孰若吾翁包統群才籠絡庶品制作在名山声  
名在宇宙而所恃以不朽者將來標日月而並峙山  
嶽矣在翁諒亦自信不待愷言

答羅念菴

沈愷

高賢密邇竟未獲晉謁庭序一接光儀徒使人問花  
竹平安而已悵恋何言象笏致意顧辱瑤篇之贈希  
聲入耳不減聞韶報豐于施亦既多矣江濶雲空年  
光如水每懷麟鳳在野未嘗不中夜耿々執鞭何時  
寫此情素

與西悅上人

沈愷

憶昔入蕭寺與君採松烹茗畧迹論心往々過半夜  
雪窓寒甚擁爐促膝飲或無笑談諧雜俗縱浪大化  
亦知之稔矣君能亮否

與潘十泉

沈愷

石鼓之遊風景殊絕不似人間塵界及登仰高樓俯  
視瀟湘天光一碧風帆隱見如入畫圖執事以南霍  
高人而吏隱于此不知君似瀟湘瀟湘似君耶小詩  
見意真不能滿公一笑

謝月空禪師

馮恩

空庭歛照秋雨散花玄公出定之餘頽瞻時事不無  
明鏡塵埃之感幾欲冒參禪丈一討玄論坐冗未由  
出門歉甚

再報渠翁

凌約言

某不肖竊自比東樓思歸腸斷玉關天寒剪冷不復  
知有寄衣曲矣又何意織成錦字效蕙娘之上獻哉  
燕雁南來不敢勞雲霄之賜問也

簡宋石樓

凌約言

昔邯鄲才人嫁為厮養卒婦僕無邯鄲才又不屑為

斯養婦將欲對鏡畫眉學步邯鄲乎則又麝射幌闌珊  
衛嬈髮薄不勝膏沐懶對鏡画眉矣誦古鏡菱花暗  
愁眉柳葉嘖之句不能無感也君繁華麗色可謂才  
人姣無雙矣亦歛容緘怨未入深宮中何歟楊升庵  
謂美人命薄恨常濃豈君亦未免耶然西施負艷色  
自無久微之理天河夜轉銀浦流雲嗣當佩玉鳴鳶  
捧玉皇于殿閣不必江娥啼竹素女含嘖辜負百年  
春色也

簡門生

凌約言

憶昔少年時熟卧不知曉放言不知倦亦嘗味腹塞

芳思樹勳名于萬一讀太平獻策未嘗不撫劍自雄  
而潦倒江湖垂二十年多為華陀弟子所苦狗監無  
緣孰奏子虛孟嘗不遇貧缺誰彈雖非邯鄲才人又  
不屑為廝養婦萬種幽悰言何能悉知已如君可府照而得也

簡蒙山陳節推

凌約言

向曾瞻挹清揚不覺喜逢牙曠車過邑西更得冒陟  
高階徐聽雋論媿乏倚桐未得傾枝以俟焉驚孔璋  
興逸別去復貽新詩讀之真穆然灑清風也信陽何  
神默今復有遺音矣步兵醉後不敢以巴曲為嫌願  
從茂陰下携手躡蹻且賡盤城來韻也工人超脫不  
敢復計形骸耳

簡九山高比部

凌約言

閑憇僧房偶翻貝葉因知真空可依聲華為縹窺此  
禪關雖紅塵拂面不足損吾真趣也陽明欲于不思  
善不思惡時認本來面目此亦內典中偈語足下講  
陽明之學者佇聆玄論豁我神情

簡吳竺原遷客

凌約言

進日暫浴香泉雖鳳棲似難為枝而抗翮凌霄在在

尺牘天全 國朝卷七 廿  
岡稱于仞矣若肯與河陽潘令賡調以咏疎花飛鷁  
以陶嘉月當不異永叔之在滁陽僕雖無似不自慚  
陽春之難和也

簡陳雲窩

凌約言

春朝無吏事故且掃庭烹茶以思聞嘉興西園杏花  
三樹暗香浮動只待玉人來賞也

簡郢士李斗南

凌約言

余入楚愛其山川之勝頗欲厯覽以快我壯懷而文  
符如兩催吏如弦雖起承以來稍亦不鮮然絕無佳

思醉後欲顛非高陽酒徒富春釣侶余誰與相勸也

簡璉川施青州

凌約言

古今惟李太白好酒人稱為詩豪君自謂意氣頗用  
似若更得杜甫在座與之賡和酬勸開口大咲不亦  
盡東南之美哉

示長男迪知

凌約言

清修頗涉迂濶然留意攝生亦或可以延年懶性成  
癖非公謁只好閉門雖間一遊盤亦不出柴桑舊里  
人將呼為桑苧翁便以黃金帶送我我亦長嘯而不

願矣汝書來勸弗再往深合我意

簡筠谿沈別駕

凌約言

閑居耽寂把柴門深鎖任從梁燕飛去飛回只有二  
鶴學舞庭中與兒曹拍手相嬉耳公有好郎君連步  
青雲降日適二雋比還奉觴上壽蘭玉滿前世間更  
復有蟠苑會否老泉生軾轍天下文章事業盡在公  
門公只消放情山水遍遊三十六洞天或者羨門安  
期相逢于紫霞峯頂未可知也湖邊桃峯夾岸迎我  
客抱此時不沈載酒船幸與鶯言百轉矣我將騎白

鹿作道場樵長公肯携鳩杖俟我于伏虎亭乎一咲

簡崔支川論養生

凌約言

獨坐丹房蕭然無事烹茶一壺燒香一炷看蓮摩面  
壁圖垂簾少頃不覺心淨神清氣柔息定濠然如  
混沌境界意者揖達摩與之乘槎西見麻姑也天其  
假我淨緣未可知乎昔東坡居士問法于子由子由  
報以佛語曰本覺必明無明明覺居士欣然有得于  
孔子之言曰思無邪夫有思皆邪也無思則土木也  
吾可自得道其維有思而無所思乎



簡汪瑤川

凌約言

生平好俠漫興與博徒者游腰下雖懸七百非田生  
 相譽亦未嘗輕謁燕丹邇年繆入仕途亦既三為傲  
 吏矣風塵羈宦論心頗少湖海文章握手皆非又未  
 嘗不悲擊劍復思過夷門以訪侯生將從之以終老  
 也客途何幸遇大雅于中原隼旗熊軾自斧使下車  
 四子將講德以宣風藻其望益憑之起也而顧使長  
 孺之戇漸傾孤抱不意篇章小技見采于圖書之府  
 一垂顧盼咳唾成思繾綣同車久成莫逆某贈吳鈞

而公亦有縞帶之贈投分忘筌固不但延平之劍而  
 已也

簡趙太僕

凌約言

自古風塵能驅傲吏然傲吏豈樂風塵哉乾坤去住  
 頗難不遇魏公子不為河上公此酒狂步兵愁咄々  
 也王勃小豎子耳訛籍效窮途之哭豈能測涯涘哉  
 信哉知音之難廣陵散不再聞矣公與不佞同計此借  
 漫爾風塵相逢撫余背笑曰腰間青虹不得試壯士  
 何堪漫將詩賦伴漁樵君詩得無意乎余聞大喜是

夜遂夢遊天目其歸叩之興誰得泥之且公声名重  
天下文昌真采雖星月避光晶也顧重取步兵之陋  
抑何過耶于是嘆公之知我也深雖田光頌頸未足  
酬知己也况公襟度洒落不作冠裳態蓋蓬海中煙  
霞客也不勝羨往

答揚安吾

凌約言

天僊之詞稍露芳劄發函披翫華采爛然龍女見之  
當織成紅錦字僊人聽之當吹入紫絳爾篇也

簡紀明齋

凌約言

兄寓太史公仙館館內瑤編三萬雖可汎覽然左  
附約而腴曲而溫如美人步步踏金蓮司馬遷漢史  
如神仙飄飄空六合二書不可一日去手近時編刻  
季空同敘事取其近西漢薛西原古詩取其近晉魏  
楊升菴華燭諸篇取其近初唐間命治書蒼頭置諸  
几上可也兄若問故人踪跡此時方在彭城與山石  
伍耳多病維摩尚能擷芳漱潤如前所云乎然旅館  
蕭條亦覺意思長進頗欲掃却枝葉直趨本根近方  
悟菩提無相明鏡非臺本來原無一物又何以形骸

為枯聲華為縲哉跌跏一坐頗瑩心神八萬魔君不  
覺一朝退去矣微足下何以發吾之迂談耶

與張石里

凌約言

仰惟執事紉蕙佩芷旖旎而芳美人將涉江以采而  
叢棘之蠅尚不免營營止也况崇蘭萎于枯丘人更  
視為蔓草矣又孰從掇其馥耶人生如馳電進不能  
翊明時躋膺仕退則捐軒裳竄岩穴賦閒居以自適  
耳僕又何用喋喋解嘲如二公之所道哉

與秦文橋

凌約言

兄以部使駐節維揚論交正逢三月却憶十年席間  
吹竹彈絲鬪臬射覆但歌將進酒不問夜何其白眼  
相呼真可方河朔飲也蒼芒宇宙如是者更得幾番  
兄不知曾念及否

與崔篁洲

凌約言

嘗笑幻景浮沉真同蕉鹿人生結果不異網蛛雖千  
里之駿未遑一騁然龍媒蹀躞人自垂青亦不必向  
飛嘶也洲上踈篁萬竿庭前名花百本淨几明窓漢  
琴鞞硯熟綠洋吹紫簫而左氏孟堅右軍子美四友

常不相離此標此趣恐亦造化所慳君不見衡山四  
絕天獨靳其餘乎別繼覆餗譬如桓玄據坐分不可  
強殷仲文輩可嗤也

簡南丘

凌約言

夢魂旅况據榻興懷別思離情逢時搔首承千里緘  
書贈余雙鯉多感故人恋々光景易過渺若風煙蹤  
跡不同真如萍梗中間浮沉只看我自家意思近觀  
一工侍新報益知金貂士費不過一本玉壺水一番  
邯鄲夢也莊生齊物論真十分妙悟若子退步法得

一切員机至如六祖之談九喚醒沉酣魔崇為之退  
舍此意何如春正聞北上倘得歸茅屋當載酒以餞  
于途更與慇懃唱渭城也

與魯奇峯

凌約言

東望河陽思郭中有二美焉而雙星隔水明月滿庭  
長笛倚樓恍若聞武陵曲也昨承垂藻頗愜永懷再  
辱過遊復同盧子夫容池館孔鸞若聯翅相翔雖席  
間無劇曲以侑客觴然純紅可賽太白可浮計須十  
日留連也若足下先持斗酒幸觴我于百鷗洲上

與孫鳳岡

凌約言

老不近筆硯日與溪山相拱揖猥辱翰及兼拜謝篋  
展誦爛然知孫逖仍有後身獵心復動凡不知劍斬  
詩魔可笑少遲杪秋朗月玲瓏異獲晤言之適清詞  
灑藻芳醕傾酷亦不讓賞心晤矣但恐有髮頭陀或  
未能追隨談麈耳

與蔡司空

凌約言

某老更耽寂趺跏如打坐僧耳邊風雷總不聞知

與閔石林

凌約言

暑氣方萌未敢叩門驚夢少待金風吹我荷衣便携  
須彌提杖及如來佛子相與談說禪机以賞夫容脩  
竹之趣若與豪不憚暑飲先期肯岸幘一臨適有善  
琵琶者兼曉崑山新拍亦可於綠荷亭畔一大噱也  
莫相拒曰吾且高卧北窓下作羲皇上人

與崔文

凌約言

兒曹入場傳小者病不終事此正魔君設難以試我  
不知邯鄲一夢雲房公先已點破淮南子精神訓首  
言輕萬物則神無累輕則自忘此人間一粒靈丹也

司馬徽之論不誣矣

示兒稚隆

凌約言

爾肆業有年不乘時表見而勉圖功名以自效是遇  
佚前人先也王儉謂鄧禹落々笑人此固少年狂態  
也過時不舉其為王鄧所笑者更俾矣

又

凌約言

捃拾括貼不若扞中以綴文食人之餒不若操刀以  
自割其腴也知易簡之說則澆其根而花葉自旖旎

又

凌約言

聞汝厭心于南欲改北以求試是猶趙見逐而復走  
韓魏者也倘不遇而奪釜鬲于塗又將誰往乎張舌  
尚在和璧誠真計其常理亦可收捷于南闈不必舍  
而之他也

簡陸北川

凌約言

夫名勒晉鐘功刊衛鼎者以其樹立不朽也陽明用  
兵如神其俘斬剝頭諸寨以為平藩平蠻張本讀公  
大征贈言真與陽明先後璘珣其勲爛焉雖平淮之  
碑燕然之銘可爭烈矣

示季男稚隆

凌約言

士之明經起家者從鄉薦始抱經以試而望其得薦者士之情也試者之心與試者父母之心其情均也試事竣而謂父母之心不深望者豈其情乎望既拂而謂父母之心能釋然者又豈其情乎通塞在天屈伸有命父亦雅能安之而母之心未知其如父否也試者之心未知其如父乎如母乎否也亦未知其知父之或安于母母之或不安于父否也人言稚隆卷已入選失其卷之三而不果薦信有命也只消不愠

如其父耳安知終不得薦無因以慰母心也

簡高一泉

凌約言

君分符楚邑視篆齊邦其懸魚芳問靡侃靡違齊楚交頌美不意歸艤返溯舊篳寂寥豈豸冠峻威嗔陶子不折腰耶不折腰而賦歸乃所以見陶子矣五柳扶疎更不惜脫巾灑酒日與高陽之徒尋壑經丘以高蹈風塵之外其放情舒眸神遊八極視當途子之鞅掌可以超然適也閉門千息到濛濛遺照之時其趣豈易以語人哉

與兒迪知

凌約言

山巨源掌銓勸稽叔夜入仕至貽書絕交我復頭向  
雲中客乞一官耶邇有暴腮之困雖綴行春仗與少  
年作隊已自醜顏更以顏色媚人萬狀可醜浮世功  
名縱到白頭亦何佳趣豈若漆園吏逍遙間散以自  
適耶

與張仲子

范應期

掩扉山中百念灰稿實以多病逼衰揣分知止非敢  
舉箠蔽面求避元規之塵以冀終南之捷也

與朱太守

海瑞

亢陽肆虐民苦灾蒸得非撫此地方者不能修德以  
和陰陽乎敬涓朔日僕當斷髮去指以身效桑林禱之

與呂豫所

海瑞

今年春公當會試天下士諒公以公道自持必不以  
私徇太岳想太岳亦以公道自守必不以私干公也  
惟公諒之

與何心泉

李維禎

僕今調郡為歸計甚適頃發武陵見漁舟繫纜問之  
何不去曰風如此雪如此前途風波不良舟楫僕無  
然曰命之矣謹復



與王元禎

顧憲成

吾儒畢竟有向上一着合應理會者述之事乃其第一着康齋白沙先生之言定不我欺此須與足下面論乃可罄耳

與馮南江

徐獻忠

頻年作事皆出乘興未嘗量力度時是以多致狼狽近年一念及則汗出慙負然已列貧籍無可脫身矣尚幸貧與氣習不復知苦紙窓靜憇屋後開荒漸成菜畦接果餽鶴時有佳况野菜淡粥神恬氣清不知

其為窮人也他日老元事君成功使用此作樣子時往復來結社清明重九鯨勝相遺幅巾逍遙存問鄉曲與野老談水旱習農桑雖有他樂何以加此不知老兄胸中果會著此念否

與朱仁

比倫

徐獻忠

厚愛深交非他補文一旦為別悵望天涯昔之把握聯翩有如夢幻停雲在山朗月在戶皆相思之真也

與吳之仲

徐獻忠

春非方萌槽声亦沸客到即醉、即熟夢一切世故

竟似水中鹽味非無非有雖鳩羅剎鬼日跳左右不能追撼山人胸次足下舍此主人雖十日醒亦無也

與包元達

徐獻忠

昨承冒雨臨視濡及從者通宵話言中多激嘆玄情幽况脫畧世途使冠裳之士聞之解悟又不但與賈生之慨攪濁世之悲也山人勉思作吏一出潦倒歸伏蘅茨舊宇頽壞徑中之松竹雖存席邊之猿鶴已逝矣遂使韭蔬莫剪姐豆虛無徒枉輜軒空聞漏水

與李于鱗

王世貞

足下口劉都督不置而咲僕自沒于戚大將軍謂將

軍僅能喉問溶作声此自足下皮相耳劉都督戰

將非大將也僕時謂足下文如韓淮陰連百萬衆多

多益善八門五花变化奇正莫測然覺伯王有蕭

馬鳴悠旆旌意程正叔老儒也尚恨不見淮陰與

項王各以十萬確闔僕謂淮陰用蒯通策作鼎足視

阿瞞及大耳兕紫髯奴必有可觀者足下况以意也

徐子與

王世貞

僕以十月後旬之淮昨始得了此段業債酬接還往

都無意味曩謂京塵救漫汚人鄉里小兒作惡更劇  
宇宙之內何可着眼欲尋一片地如武陵桃源者吾  
三教人鎮日相對便足千古此語殊莫使外聞之

荅江伯玉

王世貞

蒲州公得明公何異稚圭得永叔也今五單于解辨  
南粵授首而明公從容運籌其間且以余力發為鏡  
歌鼓吹揚翔昭代之盛如椽大筆縱橫燕然山石上  
固千載一時也

王明輔

王世貞

得手教三復之怡然以一二知己為快而不以銷骨  
為恨殷深源小豎子耳即虞仲翔亦似芥蕙吾法藏  
中固自有人也

張助甫

王世貞

僕自為天地長物身名委擲無一可道唯于永日酷  
暑稱痾謝客六籍為糧翰墨當酒時自酣飽亡閑應  
酬裸袒不衫亦不汗倦即就席醒便起坐若使等  
埃榮于軒冕較銖樂于案牘輾然之際差有微長耳

與馬孟河

王世貞

明日斗酒交長者歡敢告之輿人當不令陰風密雪助吾兩人落莫也

與馮開之

王世貞

雕蟲末技昔作階梯今等之土苴耳用獻宗

工殊類汗血指

與黃淳甫

王世貞

僮回啓篋則柑香襲人以一遺仲蔚一自供至今鼻端拂之有天際真人想瓊菜色真如藍田綠玉嚙之令冰液流齒牙酒腸自滌真大快也恨之曹子桓手筆形容之使二妙沈鬱耳歲暮劇有山陰棹興未出

門而盡又不及子猷矣

與吳峻伯

王世貞

念與足下握手時也冰雪固後先矣招提一榻雲門一杖春時藹然謂非有數存乎耶僕固以內竒其事足下書來言之則又竒矣

與凌稚哲

王世貞

僕支離自放待朽之哲誤見采干造物者雖伏一茅室中朝夕禮摩偈以識綺語而何敢復言文策以五月公家季子自遠來而問者辭之至不能具一茗盃

故于陸楚生便作數語相慰籍而乃至起公方寸故  
人想縻絲名籍佳管種々勤存即公為誼得矣不虞  
折深山道士福也公于世味一切如嚼蠟而獨典籍  
之嗜愈篤要自天壤間奇人第百步之外不免便覺  
肥肉大酒氣彼不更以公作冷淡生活耶所需諸賢  
見貽竿尺五六年間亦思愛之歛作大麓箱昨入觀  
後試問僮輩俱成烏有先生矣僕惡札依稀有一二  
存者當俟月後錄上也

與方生

王世貞

足下多游臨濟間臨濟賈客數也或多隱論独行托  
迹逃者及大寄狹客亦物色之不令姪三十年名家  
猶令淮陰少年鬪力惜哉

與李于鱗

王世貞

驪駒歌罷環珮香存風引片帆忽從天上去矣故人  
回首悵望奈何倘江流遇鯉幸寄一雙慰我調飢之  
怒

與宗子相

王世貞

某不早引謝恋々至此寧免周子南之槌床已裂兩

尺牘大全 國朝卷七  
中裙作褶褲矣足下知吳申添一健兒耶伯承亦逐  
飛鳥依人峻伯通時眼孔作何許彼能識于鱗與僕  
故非時人耳幸與進之

與楊祀部

王世貞

某不曉事書生耳鉛槧之業雖柄鑿時態心愈好之  
案牘作苦偷息吟咏昨理髮得三十莖許白者悵然  
久之有盡之年更可授他人手磨弄耶

與李中麓

楊慎

得佳詞喜慰無極去天萬里坐蠻烟瘴雨中空谷足

音不可得况大君子之好音下墜耶

與王敬美

徐中行

讀和李詩翻然歷下生語也青雲並秀白雪雙高干  
鱗豈私足下哉吾黨氣色益復橫絕即五湖為酒南  
斗為卮醉我千日猶少也扁舟之興春來如約必不  
令西湖獻嘲東湖騰誚矣第山靈有此善緣否

與李憲部

徐中行

浹旬不雨頗增渴思姑擬詰旦小挈蔬盤遠攀鷲嶺  
雖乏玄冰想同慈月倘叨臨况僕且來晶飴之娛沐

採葵之厚矣

與吳之仲

徐中行

足下高蹤曠度遂復遠謝人羣深度長水幾成幽絕  
正馳宵慕何意忽來春鳥鳴于谷中流雲宿于榻下  
也附謝

答張肖甫

田一成

將命至發函中紙應接不暇而華箋紈扇繼之充庭  
雜案奪目眩心辟諸婁子拾七寶珠又如道暘而沃  
以清冷之泉其為把玩媮快不可得而名也謝

與凌稚哲

于慎行

宦途遭際若春水行舟有瞬息借便風而致千里者  
有閣淺近沙雖懷度世之心竟悵焉以阻者有滿江  
濁浪穡傾楫頽長年不及施巧求濟彼岸者然不若  
寧沙之為安便也事狀種、何能曲齊要之無忝性  
根故吾猶在身甘農圃尚友義皇則失亦勿恤退亦  
何妨

與吳青蓮

沈啓原

聞執事生計不益于前而豪達不損于舊即鹿門谷

口之流奚讓焉又聞郎君至孝不以貧故廢色養且  
佳孫英妙不凡皆膝前樂事五鼎不足多矣

又

沈啓原

僕年來齒髮頓改幸及足下健七箸相與笑傲林壑  
間而日逡巡未能也得無草堂移文乎

又

沈啓原

旦日戒行不得躬叩玄廬一展契濶大是欠事謹遣  
蒼頭亟書走訊并以菲藝少佐飲費莞而置之

與胡劍西

黃西

忽叨稠貺并拜瓊編豈謂蒼顏詎勞青盼老踰郢雪  
誼倍陶雲愧絕雙金感盈三徑

寄長生兒

黃甲

兒學亦解縛所乏者鳶飛魚躍行雲流水趣耳譬之  
錦然之經之緯各臻其妙以杼軸夙定也稍涉揣摩  
絲而棼之寸而割之則傷錦必矣秋水出芙蓉天然  
去雕飾是已

與楊魏村

黃甲

惠來醴粟上圖荐之先考驗封公當是仁者之賜即



百世下有良史氏出搜元懿行必將曰友誼衰久矣  
楊大夫能不薄故人此或其一端也不敢固遜

與鳳墩

黃甲

連宵月霽頗觸幽思遙憶故人恍如天上雖嘗對月  
何似君前清冷之才溥博之照瓊瑤之姿月固不減  
于公公自是差勝耳既未情溢清寒月下擬盃引滿  
盟超松柏味比芝蘭碩不啻對影成三而已使還杼  
抱未周想叨玉鑑

與董廷尉

黃甲

舉燭一壺酣卧矣乃詩筒恨及開函月曙不翅隋珠  
儻叨一幅為草堂光且輝煌遠衷夢魂曠、抒報未  
周稽使者

示三子

黃甲

凡人臨大事立大功決大議凡一切是非毀譽失得  
利害繫乎身者勿膠乎心若造物者之鑄形因乎物  
不因乎我庶幾其所樹當不凡斯蓋以靜馭動聖學  
之玄軌不則感、然若貧子闖寶藏耳自失常手足  
解拮頽安能盡吾寶也

復王沂陽

王世懋

明興以來蔚然稱文章家亡慮百千是下又欲褒而集之取其良焉甚盛舉也僕不才與家兄商略家庭之間亦頗得一二然未敢以許是下何則人各異見文各異方趣合則糠粃為珍意離則琳琅見賤古今通弊也今是下舉一人之見群天下不齊之文欲使人人稱心亦已難矣長卿淵雲之文覆名而讀之是非蜂起况一時耳目之間哉大丈夫固當信之于心耳必欲以服人者吾非所能也

又

王世懋

僕生而好謔遇事輒不能忍向見先生盛自稱述于世間能事欲攬無余因緣作戲敬以忙字相贈事已都忘不謂是下尚存之口實也朗誦雄篇為一忙字衍得多許文則瞻矣美矣雖然試叩雅致當以僕言謬乎為得手謬也則是下為無可疑之謔而僕為不足辨之人得也則是下當以問自革維摩不言始入不二法門今為多語尺添一重公案以忙救忙是下之忙何時而已乎且聖賢固有忙有閒忙是虛忙閒

是真心今足下槩而忙之以傳于一已之真忙恐非所以養性而體道也本欲騁其華辯恐僕亦入忙竟略為足下解脫數語便向北窓伸脚坐矣

復王崑崙

王世懋

足下野鶴孤雲無蹤可覓今得片紙便足慰平生矣白下山水雅勝今人多懷古之興政不必北望燕臺襟山帶江已足目舒其逸恨不携足下同之令我狂奴態復發也符卿我筆研故人然世網中波臣若以套子語相向不能不為狂客所笑聞渠襟懷勝昔然

足下勿助之狂也

與胡侍御

王世懋

里中王進士語公獎掖至情感激真不可言蓋排山倒海之勢知非綿力朽材之所能支塞也即今庶子紫微有泉可飲琅琊幽谷有芝可茹時與樵夫牧子詠歌盛化娛以忘貧且以忘老愧不堪遠將持贈也

與王貢士

王世懋

僕不才束髮時氣豪腸肥妄命管翰輕為撰著竟不窺古作者藩域而狂聲已幾碎人齒鏗聞余髮今種

種矣母能為矣足下幸勿過聽也

復汪中丞

王世懋

明公以絕世之才建戡亂之績天下側目而待冢也  
久矣第以為連城之壁不虞其摘瑕不圖止棘之蠅  
竟點白黑也人惡雋英自昔而然又何足怪

荐黃玄甫

王世懋

明公門下士有黃生玄甫者即之氣烈而肅叩之言  
訥而堅間示所作好古博雅之風又多橫溢辭氣之  
外譬諸屈產之乘已遇伯樂稍脫鹽車矣今日之遇

明公是其登其堂矯首之日也

與凌哲稚

王世懋

僕也閉門偷息一切不閑操觚弄紙艱如上坂此猶  
困于鮠釘見清醕而攢眉畏彼梟聲併黃鸝而掩耳  
者也明公不棄惠以新編整巾拭目稿心若沃誠見  
博採冥搜牢籠百代括囊萬家足稱不朽矣

與張周田

王世懋

咄嗟哉世路嶮崎危机叵測以足下之才之美而亦  
乃屢遭顛蹶則視去其僕如九牛之亡一毛

何足為輕重也

又

王世懋

足下之才茂矣奈何不令擁簪筆承明名渠之間抗  
論國是不則亦駕雙熊汎五鶴用口舌立功萬里之  
外而猶齟齬旅進退于公車之門噫世必有任其責  
者足下何恠

與魏生

王世懋

兼公好龍畏其真者世眼習之併以廢之足下之不  
遇知固其所也然至獵賓存歌鹿鳴射策金馬翱翔  
紫庭得少刀圭藥便足翰生無俟八公輩引道也

又

王世懋

僕决意杜門後天公乞殘日作蠹魚萬卷中于願畢  
矣太行雖險鹽車誠重了不相涉足下勿恠其僻也  
春日漸永母令隙虛

與徐子與

王世懋

僕恒謂山栖是勝事稍一營恋則亦市朝書畫賞盜  
是雅事稍一貪癡則亦商賈杯酒是樂事小一徇人  
則亦地獄好客是豁達事一為俗子所競則亦苦海  
吾與足下皆多生業障未易擺脫奈何奈何

與李惟寅

胡應麟

古人所以執手徘徊臨歧恋恋者非無丈夫之志知已之難遇也僕于足下况加以二十年之雅而值此千里之別更當何如拆雙劍于河梁棄千金于薊野中夜悲歌自不知哀涕之交集也

又

胡應麟

自偕裕卿文甫歸每一笑談輒念吾夫至于山水會心登臨豁眸含杯把袂纔及故人未嘗不引領雲霄神爽飛越也

與張東沙

余寅

某道不謀俗學匪通方主者不然竟報聞罷竊自忖量誠不為恨館中諸君夙諳其声未窺其底群相謂屈寅也茲行得彼夫之口矣

與李之文

屠隆

語云人之相知貴相知心不佞處鄉邦走江海交天下士多矣大都市道紛如石交磊落浮雲蒼隍惆恍難憑豈惟小夫曲士即號稱一代碩人君子始以才名取人推轂見賞乃不勉之以就萬世之業而徒以

富貴相期或外為相知内存觀望或始厯剪拂竟改  
初心謂之何哉

報楊伯翼

屠隆

足下江南曲真漢声矣足下所謂盤空橫硬語雄氣

又

屠隆

足下方領先鋒旗鼓索戰詞場氣磊、盛也僕則始

藜弓矢退舍避足下銳氣俟其氣稍和然後與足下

對壘耳僕亦慕李山人甚足下有命明日當走大雪中赴山人

與余君房

屠隆

君房以高言驚世鬼物所呵也顧先生稍早之亡徒  
取驚世為也而今世人得稍、逼眦之何如

又

屠隆

材陪下乘命則小星竹素之事儻非吾分矣然何敢  
不日夜澡行修事以忝同袍哉幽掩之中求不負神  
理至于榮枯之數吾尚何以胃諸胸中哉

與馮開之

屠隆

昨過從下足甚善乃不幸遭僮父作灌仲孺使酒罵座  
令人意邑、不懽願得與足下據胡床譚嘯又安得

尺續大全 國朝卷七 五五  
長策揮俗客于門令吾兩人勿傷雅道也

又

屠隆

太史占僕夜來流亭入度足下豈亦有是耶當騎過  
足下閉門下楫復取一丸泥封戶抵掌作佳話何如

又

屠隆

何處別君典也沈郎吳姬好不青雀月明短簫長笛  
沈郎故得與麗人俱足下別後五湖烟雨誰與為權  
昨得書見約望前再過齋頭敬掃地焚香以待

與沈君典

屠隆

穎中簿書山積吏事川湧折腰而趨公府低眉以見  
上官扶伏道左望塵遙拜屏息車下不敢出聲泥沙  
在衣風塵掬面丈夫之志摧頽盡矣臨風念予中心  
若結足下亦有以念我乎否

又

屠隆

足下奮翼霄漢優游清華方且立交戟之下侍承明  
之廬奏凌雲之賦扈甘泉之駕仙乎虎觀石渠儼  
焉天上而乃二月以告聞矣何故

又

屠隆



夫寵靈恩澤人情所藉足下當鵲起之秋遭龍變之  
會順風而呼乘時振響逍遙歲月公輔可立致也何  
為得意自苦居寵不樂懷賈生之憂抱劉向之憤脫  
徒富貴秋毫榮華也足下不能脂韋突梯坐取尊官  
僕之所知即今四方誦義士林動色用匡 皇國光  
我同袍又豈不雄快視僕贈贈一官眷戀五斗由足  
下言之奚啻腐鼠之與鷄雛哉

又

方今聖明在上雲龍既遘魚水自投無今泉石情深

烟霞成僻何必巢許即如姬孔不可謂非人豪謝跳  
青山終非卿家物也

又

屠隆

足下從數千里躡簷擔簦走京師上書狀元及第留  
直金馬甫一歲而飄々然告歸豈人情哉海內寥廓  
之士謂沈郎心慕雲壑志輕圭組譬如高鴻不受爵  
維終絕四海也玄暉李白携手同車矣夸毗之士又  
謂足下英雄妙机權包絡寰宇鼓弄豪雋既已得清  
華之班又趯然遠舉為名高雷動六合也最下者則

咄嗟沈狀元寵靈天子被恩澤不乘時獵登要路津  
上報國恩下光九族以為交遊榮施獨何朝而烟霄  
暮而林壑見彈求鴟炙未卯求時夜也斯三者咸遠  
千名實美何足以知沈即沈即我蓋有以知其心矣

又

屠隆

嗟：沈即居交戟之下為天子補衮職入直扈從奏  
詩賦揚大雅此豈不亦華陽洞天閬風縣圃哉何必  
從青山仙遊即子房亦功成掉臂而後從赤松子遊  
耳沈即言何早也夫足下以一歸為名高有不如不歸

沈即之名卑乎

與唐惟良

屠隆

陶北部席上得聞佳論具見款款微我顛蒙肉我枯  
朽真不世之造也青松指心曠日落盟足下忘之僕  
能忘之乎

又

屠隆

足下矯々雲鴻高視天壤春馬去國內無憎念之懷  
外無淒涼之色天下奇男子哉聞之使人爽然神快  
又為足下悽惻傷也

與王少宗伯

屠隆

隆讀書竊觀古瓌人碩士崇敦大者乏卓厲之操標  
伉爽者闕長厚之德樹氣節則易于矜露務沉毅則  
傷于刻深器局近于高朗則濶步而多踈行能依乎  
中庸則瑣尾而不振率而行之皆有豎尺寸流竹素  
迺先生博大勁爽秉節蹈道華實兼收仁明並篤此  
其大都豈徒崎嶇歷落淺中小知之夫可窺先生之萬一哉

與丁右武

屠隆

往歲與仁兄倚醉長安連鑣並陌雅素絕塵冥心獨

往可謂極徘徊之懽悟逍遙之旨假使人生長如此  
即榮挂七命身登九列何羨也

與周元孚

屠隆

從古賢豪功名不可力致待至則取之故商山之軌  
足並漢傑鹿門之聲不減陸中足下故用世長才要  
不違時獨駕若進不策名麒麟退猶可投情麋鹿使  
僕得拘手足下之肩共探鴻寶于枕中拾瑤草于海  
上即天地可遺而况區、幻泡過影哉

又

屠隆

僕居此中取則龍蛇不敢以穢德自點為世人所摘亦不屑作諂子面孔為俗眼所憐僅而遠于利害便可抽身鬚鬢五岳三山近垂眉睫矣足下努力自愛

與瞿濬夫

屠隆

世人見僕終日欽々澡行勤事作吏良苦謂僕故修名者且以此求聞于世梯通顯為也可謂皮相粵廩之士

與楊公亮

屠隆

開之玄寂穆愉間露毫氣終是風塵外品僕居鄙穢賴此居相存銷吾習氣進以玄理每一談對如披松

下風冷然清絕

與李臨淮

屠隆

僕平生椎鄙亡他嗜好獨好五色壺魚好食神仙字又好折節交時賢而性復疎不能翫黻取名園轉滑稽以遊于大人苟非從寡寡相視鮮不對面而失之

與馮開之

屠隆

今日之謫雖離廊廟立壑詩歌儘不逐客何知造物者非息我黥而補我劓哉當一笑甘之矣

與董陽明

屠隆

男子在世不得封侯廟食即五岳四瀆何處不可寄  
傲乃局促一官眷戀五斗為造化小兒所籠絡耶長  
往决起會須有日矣

與王百谷

屠隆

讀送莫廷韓詩格高聲俊綺麗難忘古今才情之極  
咄々莫生勢之橐中五色光怪上燭五星矣

與馮開之

屠隆

鳳閣雖榮不敵翠華雞香可羨不奏明河雲霄無路  
不進鬱輪泉石可盟不抱荆璞隆將堅持此雅操矣

開之謂隆何

與沈箕仲

屠隆

隄成矣乘月臨流一望水光疑碧遊魚上下雲物四  
揭六合曠朗爽然快哉已命沙棠取卮酒呼沈即夜也

與凌哲稚

所諭明公翰藻序當得海內鴻儒鉅筆先此盛美僕  
如學語新鶯冷々調舌花邊柳外可耳烏得奏諸九  
天鳳簫之側重其羞澁也

與王百谷

屠隆

足下携江陰牡丹歸何異相如從臨邛竊文君迨哉  
相如區區以一文君遂病消渴今為文君者數十何  
不令王先生顛顛乎

與王百谷

沈明臣

箕仲舍姪得一晤否君房肩吾率爾聚首當作一番  
傾倒也超然遠覽東指海雲飛起曾會沈郎吟下乎

與范大理

王叔承

足下素分清白吏甚表表者一旦以汚名被放謂世  
道何他人且咄咄書怪矣而足下怡然當之此賢

者所難吾所為勉足下以官者非區區榮祿是望蓋  
畏途淪落正文丈夫慷慨激奮時何得遽開綠野堂治  
陶家三徑哉

元日醉起答客

王叔承

元日大醉醉鄉甚佳又豈無醒時耶足下笑僕少飲  
輒醉何可語酒德也飲之樂在醉則冥然忘宇宙  
身世譬有生之樂在死歸無何有之鄉脫一切有  
覺累醕酌時其庶幾去哉或數杯而醉或百觥而醉  
或盡石而醉等耳速醉者為頓悟耶竟日夜徘徊

而濡唇真貪生者流甚者嘔噦狼藉嚙語作病隨入  
鬼道矣起伯倫于地下當謂我知言

與沈句章

葉世治

夜雨春韭首宿闌干當命青衣筆而羞之相與對西  
山豁醉眸足下亦額之不

與張春塘

葉世治

土宜二種深愧鮮薄然芝蘭室中淪虎丘茗對月嚼  
之未必不助清于詩脾也一笑

答惠詩扇

陸允中

扇頭佳製颯々乎直逼唐人門戶楷法道麗要仗鍾  
顏退舍不意赤水玄珠乃得之用象什襲藏之猶不  
覺時、發光怪也

典磨巾岳

范涑

日聆眇論腸胃一洗每思走候顧酷暑中恐煩起居  
且下里之音陽春厭聞遂不欲以此亂足下清聽耳  
數日間有齊雲之約當取道面晤也

又

范涑

憶昨涼颿來自白雲館繼以好雨清洒侵人于是乎

見足下之物色也恨無勁翮乘風而去共聽松声醉  
美玉池何惆、哉

又

范涑

日念大雅欲披襟棕恐多足下應接姑不果行倘足  
下不忘敝帚風雲之会寵僕餘光則紅綠叢中特足  
下為赤幟共大掃塵埃之積習矣佇望烟雲祗勤恋

與禾少虛

范涑

春和景熙琪岫生翠瑤澗浮碧不減仙都五城十二  
樓也先生觴永其間犹憶范生疇昔之夜跨虹橋而

舉兕觥乎言之惘然

與王百谷

毛文煥

讀溪山障子歌雖未見畫如對赤縣方壺當令鮑謝  
動色杜陵老何足多哉知公將返道韞東行江天雪  
樹定有柳花佳句此時應斷腸也

又

毛文煥

南枝未老窈窕橫斜有玉人倚醉之態遣半偈庵前  
想居士推窓香雪滿林兼以花底流鶯時、撓眠此  
中佳致尚有瑤華報我也



又

毛文煥

永日抱病伏枕空林中且無車轍馬跡惟有蟬聲松  
响一破岑寂耳夜來閑階卧看牛女極想王君不獲  
面談五里間渺若銀漢恨少張博望八月槎也

與同年

張肇

士以身任朝家事須轟烈一番使竹帛勒功名草茅  
沾膏澤斯可少荅知遇耳若無故而希恬退恐蕞鱸  
雖美未許遽殮也

荅王年丈

張肇

先叔祖令秀水有言迄今棠樹下尚存生前氣也不  
肖理若雖不敢謂世德作求祖孫相映亦詎敢以闌  
聳墮先声哉

荅陳開府

孫繼皋

歛誦詩章直與古人頡頏故知思王仍有後身未許  
與叩甔子容易談也欽之

與王元禎

莫雲卿

吳会有莫生安得楚又有王生也人言足下才走未  
之唯及見足下論撰又欲低頭矣足下自信于莫河

與王百谷

莫雲卿

聞尊駕臨辱敝郡然不一過莫生此中人眼淺便謂雲卿不足致王先生也先生竟不能一顧而重雲

平知

與許君信

劉一桂

日行南陸溽暑屆辰得足下妙選讀之一日却扇二日除燥三日則五內清涼如坐冰中

中也

又

一桂

之下遨遊海海文章妙趣借色鄙人

頃佳稿知足

下造五鳳樓手非如鄙人繩縛草舍

風雨者比也

與李坤陽

劉一桂

士出疆必載批磧、寒儒行李蕭然雖半紙人情亦不能備鄙詩在筆博大方一笑謂之曰賢亦通

與孫思泉

趙世顯

春滿西湖群芳似綺足下與諸貴人飛觴邀翠擊筑遏雲天地為空矣曾亦念及趙王孫而以殘炙啖乎

與劉仰溪

林鳴盛

高賢持赤幟而入白門與群髦爭雄吾道之光也書儀一函聊抒勸駕意抵都下當覓僻室淬砺管窺

之劍

途次借服

林鳴盛

撮臨載道冷氣逼人懸鵝窠躰仰邀解寵倘故人垂  
悉之情則寒士懼顏披纊當同化日矣

谷張永山

沈麟士

明府德履冲素留心山谷民是以被褐負杖忘其疲  
病必欲飾混沌以蛾眉冠越客于蟬冕走雖不敏請  
附高節有蹈東海而死耳未忍受此黥劓

尺牘大全八卷目錄

國朝

蘇紫溪

上郭青螺老師

上華陽徐老師

復沈叔永

與溫一齋

與孫立庭

與詹咫亭

與許敬菴

與許敬菴

與沈敬宇

與李惟貞

與張葵菴

答張東沙

與湯少林

與徐覺齋

與王敬美

與李宗謙

與葛仲明

與舒心矩

再與舒心矩

三與舒心矩

與楊蓉江

再與楊蓉江

與蔡子瑞

與林登卿

再與林登卿

三與林登卿

與陳近野

與孫時達

再與孫時達

與莊中熙

再與莊中熙

與李伯東

再與李伯東

三與李伯東

與王可大

再與王可大

與莫思鄉

與黃懋新

與聞韶初

與蕭斯妍

與徐文明

與蔡誠忠

與王當世

再與王當世

與王恒父

與周伯瑾

再與周伯璉

與李叔玄

與蔡休言

與劉國徵

再與劉國徵

與黃孔昭

與胡元瑞

與鄭道行

與鄭道漢

再與鄭道漢

與蔡爾通

再與蔡爾通

與徐子敬

與余君房

再與余君房

再上見麓老師

與王麟泉

再與王麟泉

與陳我渡

與梅鶴洲

與馮用韞

谷林少峯

與李望池

與李爾張

再與李爾張

與余見田

與孫純王

與李脩吾

與萬仰山



